




**«Բնապահպանական ծրագրերի իրականացման գրասենյակ»
պետական հիմնարկ**

**“Environmental project implementation unit”
state institution**

**“Бюро по реализации экологических программ”
государственное учреждение**



0005, ք. Երևան, Տիգրան Մեծ 65Ա
65 A. Tigran Mets Ave., Yerevan, 0005, Armenia
0005, Пр. Тиграна Меца 65 А, Ереван, Армения

☎ (+ 37410)651-631

Էլ. փոստ /E-mail/ эл. почта info@cep.am

№ 1-06/27Ա/225

«15» ապրիլի 2025թ.

ՈՐՈՇՈՒՄ

**«ՊՐՈ ՍՏՐՈՅ» ՍՊԸ-ԻՆ ԳՆՈՒՄՆԵՐԻ ԳՈՐԾԸՆԹԱՑԻՆ ՄԱՍՆԱԿՑԵԼՈՒ
ԻՐԱՎՈՒՆՔ ՉՈՒՆԵՑՈՂ ՄԱՍՆԱԿՑՆԵՐԻ ՑՈՒՑԱԿՈՒՄ ՆԵՐԱՌԵԼՈՒ ՄԱՍԻՆ**

Ղեկավարվելով «Գնումների մասին» ՀՀ օրենքի 6-րդ հոդվածի 2-րդ մասով և հիմք ընդունելով ՀՀ կառավարության 2011 թ. Հունվարի 13-ի N 9-Ն որոշմամբ հաստատված կանոնադրության 35-րդ կետի 11-րդ ենթակետը՝

ՊԱՐԶԵՑԻ

Շրջակա միջավայրի նախարարության «Բնական ծրագրերի իրականացման գրասենյակ» պետական հիմնարկի կողմից հայտարարված ՀՀ-ԲԾ-ԳՀ-ԱՊՁԲ-25/9 ընթացակարգի արդյունքում հաղթող ճանաչված «ՊՐՈ ՍՏՐՈՅ» ՍՊԸ-ն սահմանված ժամկետում չի կատարել պայմանագրով նախատեսված պարտականությունները:

Սույն թվականի ապրիլի 2-ի № 1-06/27Ա/198 գրությամբ «ՊՐՈ ՍՏՐՈՅ» ՍՊԸ-ին առաջարկվել է վճարել պայմանագրի և ապահովման որակավորումները, սակայն գրությունը մնացել է անպատասխան:

Հիմք ընդունելով իրավական և փաստական հանգամանքները և ղեկավարվելով «Գնումների մասին» ՀՀ օրենքի 6-րդ հոդվածի 2-րդ կետով, մասնավորապես՝

2. Սույն հոդվածի 1-ին մասի 6-րդ կետում նշված ցուցակը, այդ թվում՝ ռուսերեն, վարում և հրապարակում է լիազորված մարմինը: Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում պատվիրատուի ղեկավարի պատճառաբանված որոշման հիման վրա: Սույն մասում նշված որոշումը պատվիրատուի ղեկավարը կայացնում է գնման ընթացակարգը չկայացած հայտարարվելու կամ կնքված պայմանագրի վերաբերյալ հայտարարությունը հրապարակելու կամ պայմանագիրը միակողմանի լուծելու մասին հայտարարությունը հրապարակելու օրվան հաջորդող տասն օրվա ընթացքում: Որոշումը կայացվելուն հաջորդող օրը այն

տրամադրվում է լիազորված մարմինն և մասնակցին: Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում որոշումն ստանալուն հաջորդող քառասուներորդ օրվան հաջորդող հինգ օրվա ընթացքում, իսկ որոշումն ստանալուն հաջորդող քառասուներորդ օրվա դրությամբ մասնակցի կողմից որոշման բողոքարկման վերաբերյալ հարուցված և չավարտված դատական գործի առկայության դեպքում՝ տվյալ դատական գործով եզրափակիչ դատական ակտն ուժի մեջ մտնելու օրվան հաջորդող հինգ օրվա ընթացքում, եթե դատական քննության արդյունքով որոշման կատարման հնարավորությունը չի վերացել: Մասնակիցը նշված ցուցակում ընդգրկվում է ներառվելու օրվան հաջորդող օրվանից երկու տարի ժամկետով:

ՈՐՈՇՈՒՄ ԵՄ

1. «ՊՐՈ ՍՏՐՈՅ» ՍՊԸ -ին ներառել գնումների գործընթացին մասնակցելու իրավունք չունեցող մասնակիցների ցուցակում:
2. Որոշումը տրամադրվում է Լիազոր մարմնին (<< ֆինանսների նախարարությանը) վերոնշված ընկերությունը գնումների գործընթացին մասնակցելու իրավունք չունեցող մասնակիցների ցուցակում ներառելու համար:

«ԲԾԻԳ» ՊԸ-ի տնօրենի պաշտոնակատար՝



Արմեն Եսոյան